



26. juni 2015

Inatsisartut Suleriaasianni § 37 naapertorlugu apeqqutit imaattut matumuuna saqqummiuppakka:

Ikiaroorartumik hashimik tuniniaarnermi pinerlulluni isertitanik malunnarunnaarsaaneq pillugu Naalakkersuisunut apeqqutit.

1. Kalaallit Nunaanni politiit takusaqarnikuunerlutik, maani nunami ikiaroorartumik hashimik pinerlulluni isertitanik Danske Spil aqqutigalugu malunnarunnaarsaasunik?

2. Naalakkersuisut pilersaaruteqarnerlutik Danske Spil aqqutigalugu malunnarunnaarsaasernerup ajornarnerulernissaanut Naalagaaffimmi oqartussaasut suliniuteqarniarlutik pilersaaruteqarnerat pillugu ilisimatinneqartarnissaminnik immaqalu naalagaaffimmi oqartussaasut pineqartoq pillugu oqaloqatisalerlugu, qularnaarumallugu, iliuuserineqartartussatut pilersaarutaasut Kalaallit Nunaanni malunnaarunnaarsitsisarnermut ajornartorsiummut oqilisaataanissaat?

3. Naalakkersuisut maannagaaq ilisimatitsissutigisinnaanerlugu naalagaaffeqatigiinni oqartussaasunit suut eqqarsaatigineqarnersut?

(Inatsisartunut ilaasortaq Tillie Martinussen, Demokraatit)

Tungavilersuut

Danskit tusagasaqartitsiviini ukiup aallartinnerani allaaserineqartuni atuarneqarsinnaavoq pilerluttartut naalagaaffimmit pineqartoq aningaasanoortarfik Danske Spil aqqutigalugu pinerlullutik isertitakkaminnik malunnarunnaartsiniartartut: Ikiaroorartuernianik qoqassiillutik politiit missuitillutik siumortarsimavaat Danske Spilimi eqquniaassutit. Aamma Aningaasanik peqquserluuteqartarneq pillugu Naalagaaffiup eqqartuussissuserisoqarfiata (Bagmandspolitip) ilisimasaqarfigaat pilerluttartut Danske Spil aqqutigalugu pinerlullutik isertitaminnik malunnarunnaarsaarniartartut.



Danmarkimi kioskini aningaasanoortitsisarfinni ullormut kinaassuseq saqqummernagu 10.000 koruuninut aningaasanoortoqarsinnaavoq. Pinerluttartut - soorlu hashimik tuniniaasartut - anngiortumik isertitaminnik malunnarunnaarsarusuttut, aningaasarpassuit aningaasanoortugisarpaat. Eqqukkat uppersaaserneqartarput taannalu inatsisitigut akuerisaasumik isertitaqarsimanermut uppersaatitut atorqarsinnaavoq. Taamaasillutik anngiortumik isertitat akuerisaasumik isertitanngortarput. Tamanna pisinnaavoq amingartooruteqarpiarani, Danske Spilimi aningaasanoortit ilaat eqqugassartaqangaatsiartarmata. Danske Spilimi isikkamik arsaattut inernerisinnaasat pingasut assigiinngitsut eqqoriaraanni ilimagineqarsinnaavoq aningaasanoortit 90 %-iisa eqqukkatut utertinnissaat.

Norgemi naalagaaffiup aningaasanoortarfiata Norsk Tippingip aningaasanoornissamut allagartamik atuilernekuvoq, aningaasanoortup ilisarnaatisaanik, tipskuponimik tunnissinermini. Danmarkimi tusagassaqtitsiviit pilerlulluni isertitanik malunnarunnaarsitsiniartarnerup allaaserineqattaarnerisa kingorna partiit ilaasa eqqarsaatigaat aqqissuussinermik assigusumik atuisoqalissasoq. Danmarkimi Akileraartarnermut ministereeqarfiup oqaatigaa, ministereqarfiup aningaasanoornermi ilisarnaatip atulersinnaanissaa misissussamaaraa. Partiip ilaata imaluunniit partiit ilaasa aamma eqqarsaatigaat, amerlanerpaamik ataatsikkut aningaasanoortugineqartartut 5.000 koruuninut appartinnissaat. Innuttaasut oqallinneranni periarfissat allat eqqaaneqartut tassaapput eqqukkat ikinnerulersinneqarsinnaanerat aamma eqqukkat uppersaaserneqartarnerisa atorunnaarsinneqarsinnaanerat.

Paasitinneqarnera naapertorlugu aamma Kalaallit Nunaanni politiit paasisimavaat ikiaroornartumik hashimik nioqquteqartartut aningaasanoorneq aqqutigalugu isertitaminnik malunnarunnaarsaarniartartut,. Tamanna eqqorsimappat, pingaartutut isigaara ajornartorsiut iliuuseqarfigineqassasoq taamatullu aamma Danskil Spil aqqutigalugu pinerlulluni isertitanik malunnarunnaarsaarniartarneq pillugu naalagaaffeqatigiinni nungusaaniarluni iliuuseriniakkanit kalaallit nunaat qarsutiinnarneqassanngitsoq.

Qinnutigissavara apeqqutikka ullut suliffiit naliginnaasut qulit ingerlanerini akineqassasut.